

vous dirigez depuis longtemps, avec tant de zèle et d'abnégation.

Veuillez agréer, Monsieur, l'assurance de la considération la plus affectueuse de

Votre dévoué serviteur,

JACQUET.

### TEXTE

De la Lettre-Patente de Louis XI, donnée à Orléans, le 24 novembre 1466, ordonnant l'introduction, à Lyon, de l'art de fabriquer les étoffes d'or et de soie.

Loys, par la grace de Dieu, Roy de France, a nos ames et scaulx les generaulx conseillers par nous ordonnes sur le fait et gouvernement de toutes nos finances, au bailli de Mascon, senechal de Lion et aus esleu sur le fait des aydes ordonnes pour la guerre ou dit lieu de Lion.

Comme Nous, considerons la grant voidange dor et d'argent, qui, chacun an, se fait de notre royaume, au moyen et occasion des draps dor et de soye qui sont debites et exploites en nostre dit royaume en diverses manieres, qui peult monter, par chacun an, ainsi que remontre nous a este, a la somme de quatre a cinq cens mille escus ou environ, et pour donner ordre que l'art et ouvrage de faire lesd. draps dor et de soye soit **COMMENCE ET INTRODUIT** en nostre ditte ville de Lion, *en laquelle, comme lon dit, en y a ja aucun commencement*, ayons, pour grant et meure deliberation du conseil, conclud et ordonne faire mestre sus et introduyre ledit art et ouvrage de faire lesd. draps dor et de soye en icelle nostre ville de Lion, et pour ce, ordonne faire venir audit lieu maistres ouuriers et apparilleurs et autres experimentes tant ou fait de l'ouvrage de laditte soye, comme ez taintures et autres choses à ce propres et convenables, et aussi pour faire les molins, ostils et autres abillements qui y sont necessaires, et afin que lesd. ouuriers et autres qui besoigneront ou dit fait, art et ouvrage desd. draps dor et de soye, ils soient plus enclins, et que autres ayent et preignent vouloir de venir resider et demourier en nostre ditte ville de Lion, pour eulx employer ou dit fait et exercice, Nous, pour les causes dessus dittes et par l'aduis et deliberation que dessus, auons et octroye